

ZIRLAI 1-NA SEPTEMBER 29-OCTOBER 5, 2018
THILSIAMNA LEH TLÛKNA

CHÂNGVAWN: “Tichuan ani chu pâwnah a hruai chhuak a, ‘Vân lam khi en la, arsîte khi i chhiar theih chuan chhiar teh khai,’ a ti a. Amah vêkin a hnênah, ‘I thlahte chu khiti zât khi an la ni ang,’ a ti a. Ani chuan LALPA chu a ring a; tichuan ani chuan chu chu a felnaah a ruatsak ta a” (*Genesis 15:5, 6, NKJV*).

SABBATH CHAWNÛ SEPTEMBER 29

Chhiar tûrte: *Genesis 1:26, 27; 3:16-19; 11:1-9; Deuteronomi 7:6-11; Galatia 3:29; 1 Johana 4:7, 8, 16.*

PATHIAN mîte chanchin hi mihringte siam an nih leh an tlûk leh tâkna chanchinin bul ãan a ni a. Kohhrana inpumkhatna nihphung manthiam kan tum dâwn a nih chuan, Thilsiamnaa Pathian ruâhmannaah khân bul kan ãan ngêi tûr a ni a, chutah Tlûkna thlen hnûa dînthar leh mamawh nihnaah kan kal zêl tûr a ni.

Bible bung hmasa lamah hian Pathianin mihringte chu chhûngkhat anga khawsa tlâng tûrin a ruâhman tih a lang a. Vânduaitlâk takin, hê inpumkhatna hi سوالin a tikhawlo zo ta a. Sual chu inremlohna leh inthendarhna bul niin, thuâwih loh zui zêlnain nghawng ãa lo tak a neih belh zêl bawk a. Thing rah ei khap an ei hnûa Pathian a lo kal a, Adama leh Evi-te inçhân dân ațang khân inthenna lo awm ziarâng chu kan hmu nghâl a (*Genesis 3:11*). Khata ãang khân, thil dangte bâkah, chhandamna ruâhmanin a tum chu, a tîra inpumkhatna awm dînthar lehna pawh chu a ni ta rêng a ni.

Pathian mîte thlahtu, Abrahama kha Pathian chhandamna ruâhmana mi ãangkai tak a lo ni a. Pathian Lehkha Thû chuan ani kha “rinnaa felna” (*Rome 4:1-5*), Pathian mîte kârah leh Amah LALPA nêna inpumkhatna thlentu rinna ang chỉ entîrna ropui takah a hmang a. Inpumkhatna din thar leh tûrin Pathianin a mîte hmanga thawkin, mihring bo tâte hnênah A ruâhmanna a puâng chhuak thîn a ni.

SUNDAY SEPTEMBER 30

Hmangaihna: Inpumkhatna Lungphûm

Genesis 1 leh 2-a Thilsiamna chanchin ațanga thuchah chiang taka lo lang chu, khâ Thilsiamna chawlkhâr tâwpah khân thil engkim mai an inrem tlâng tih hi a ni. Pathian thil sawi chhuah pawh kha ‘A va ãa êm!’ (*Gen. 1:31*) tih a ni a, khâ khân a mâwina chauh ni lo, Pathianin hê khawvêl a siam zawh a, chuta chêng tûr mihringte a siam zawh hlim khân سوال leh inremlohna chhe tê mah a awm lo tihna a ni. Thilsiamnaa Pathian thil ruâhmannaah khân thil nung tin rêngte inrem tlâng taka khawsak ho leh inrintawna pawh a tel a. Mihring chhûngkaw tâna siam kha

khawvêl mâwi tak a ni. Thil zawng zawng kha thafamkim leh Siamtû duh ang tak a ni bawk a. A tîra Pathian duhthusâm leh ruâhman chu inremna, inpumkhatna leh hmangaihna khawvêl nihtîr a ni.

Genesis 1:26, 27 chhiar la. Genesis bung 1 leh 2-a târlan hê leia thilsiam dangte laka mihring danglam bîkzia chungchâng eng nge min zirtîr?

Genesis hian ‘Pathianin Amâ anpuuin mihring a siam’ tih a sawi a, chutiang chu thil dangte chungchângah sawi lan a ni vê lo. “Tichuan Pathianin, ‘Kan anpuuin, keimahnî ang takin mihring i siam ang u,’ a ti a; tichuan Pathianin Amâ anpuuin mihring a siam a, Amâ anpui ngêiin a ni a siam ni; anni chu mipa-ah leh hmeichhia-ah a siam a” (Genesis 1:26, 27, NKJV). Hê anpui nihna tak leh, Pathian nihphung chungchâng hi Bible zir mîten kum za tam tak inhniâl nân an lo hmang tawh thîn nân, Bible châng tam takah Pathian nihphung chu hmangaihna anga sawi a ni.

1 Johana 4:7, 8, 16 chhiar la? Engtin nge hêng chângte hian, atîra siam kan nih dân leh Thilsiam tirhnaa inpumkhatna awmzia hrethiam tûra min tanpui?

Pathian chu hmangaihna a ni a, (hê leia thilsiam dangten an theih vê loh anga) mihringte pawhin an hmangaih vê theih avângin, Amah anga siam nihnaah hian hmangaih theihna a tel ngêi tûr a ni. Chutichungin, hmangaihna hi mi dangte nêna inlaichînnaah chiah a awm thei a. Chuvângin, Pathian anpuia siam nihnaah hian hmangaih thei nihna, thûk taka hmangaihna chu a huâm tel ngêi tûr a ni.

**THAWHTANNÎ
Tlûkna Nghawngte**

OCTOBER 1

Tlûkna nghawng tha lo hi râpthlâk tak a ni. Adama leh Evi-te thuâwih lohna khân thil nung zawng zawngte kâra inrem taka inrintawna a nghawng chhe nghâl a. Chû mai ni lo, mihringte zînga wawiin thlenga awm zui ta zêl inremlohna te, intihbuaina te, leh inthendarhna te a thlen a. Chû inremlohna chu Adama leh Evi-te kârah pawh a lang nghâl a, Tlûkna thlen thû-ah mi dang an mawhchhiat nghâl a nih kha (Genesis 3:12, 13). Khata tang khân thil chu a duhawm lo chho tiâl tiâl a ni.

Genesis 3:16–19; 4:1–15 chhiar la. Hêng chângte hian Pathian siam khawvêla inremna awm thîna sualin nghawng a neih dân eng nge a târlan?

Adama thuâwih lohna khân rah tha lo tam tak neiin, chu chuan Pathian thilsiam dang zawng zawngte a nghawng tel nghâl a. Kan

Nova thlahte chu Shinar ramah chêngin, Nova biak Pathian leh Tuilêt hmanga khawvêl a tihchhiat tawh loh tûr thutiamte an theihngihl a. Babel Insâng an sak kha an finna leh thiamna chungchuâng hriat reng nân a ni a. Lâr leh zahkâi tûra ‘an hming tihthan’ (*Genesis 11:4*) tumin khâ insâng kha an sâ a ni.

“Chunglam ruâhman ang chuan sâkhuana dika insuihzawmna hmanga an inpumkhatna vawn nun zêl tûr a ni a. Milem biakna leh pathian tam tak neihnain thlarau lama an chhûnglam inzawmna a tichhiat tâkah chuan, sâkhaw lama inpumkhatna chauh ni lo, inûnau tlânna rilrû pawh an hloh ta bawk a. Chhûng lama inpumkhatna an neih tâk loh, pâwn lam thila khuh nâna an insâng sak ruâhmanna ang kha a hlawhtling thei ngâi lo a ni.”—*The SDA Bible Commentary*, vol. 1. pp. 284, 285.

Adama leh Evi-te tlûkna khân mihringte zînga inpumkhatna leh atîra Pathian ruâhman chu a tikhawlo zo va. Chibaibûkna chungchânga buaina te, lei chung a thil tha lo leh bawlhhlawhna put darhna te, mihringte zînga hnam zia, ãawng hrang, leh chîa inthliârna thlenin, chû chuan inremlohna a thlen zui ta zêl a ni.

Hnam, chî leh ãawng hrang hmanga kohhran chhûngah meuh pawh intihnatna thleng thîn thâwi dam nân engtin nge ataka hmâ kan lâk ang?

NILÂINÍ

OCTOBER 3

Abrahama: Pathian Mîte Pa

Pathian pakhat ringtu khawvêl sâkhaw lian deuh: Juda te, Kristian te leh Islam (Muslim) ho hian Abrahama chu an pa angin an en a. Kristiante tân chuan hê inlaichînna hi thlarau lam thil a ni. Mesopotamia lama an chênna chhuahsan tûra koh a nih khân, Abrahama hnênah, “hê leia chhûngkua zawng zawngte chu an la engthâwl ang,” tih hrilh a ni a (*Genesis 12:3; 18:18; 22:18*). Chû malsâwmna chu Isuâ zârah a lo thleng ta a ni.

Hebrai 11:8-19; Rome 4:1-3; Galatia 3:29 chhiar la. Hêng chângte hian Abrahama rinna eng lai nge an târlan a, engtin nge Kristian inpumkhatna nêna a inlaichîn? Chû chu, hêng chângahnte hian Kristian inpumkhatnaa thil pawimawh tak chu manthiam nâna sâwtpui tûr eng nge kan hmuh theih ang?

Ringtû zawng zawnte pa a nih angin, Abrahaman Kristian inpumkhatna atâna thil pawimawh thenkhat min pê a. Pakhatnaah, ataka thuâwihna a ni. “Rinnain Abrahama chu kohva a awm lai khân a rochun tûr hmuna lût tûrin kal chhuah thû a pawm ta a; tin, a kalna tûr lam pawh hre lovin a kal chhuak ta a,” (*Hebrai 11:8*). Pahnihnaah, Pathian thutiamteah beiseina a nei. “Rinnain ram tiamah khân mî rama châm ang maiin a lo châm ta reng a, thutiam hmun khat a rochunpui tûr Isaaka leh Jakobate nêna chuan puan inahte an awm a; khua lungphûmte nei mi, Pathian rêlbâwl leh

siam chu a nghâk reng sî a,” (*châng 9, 10*). Pathianin fapa a la pê ang a, a thlahte chu arsi zât an la ni ang tih a ring. Chutianga a chhânlêtna behchhanin, a rinna chu Pathianin thiam a chantîr ta a ni (*Rome 4:1-3*). Palîna, Pathian chhandamna ruâhman a rinchhan a. Abrahama rinna fiahna namên lo ber chu Pathianin Moria Tlânga a fapa hlân tûra a tih kha a ni (*Genesis 22:1-19; Hebrai 11:17-19*).

Thuthlung Hluiin Abrahama kha ‘Pathian ðhian’ (*2 Chronicles 20:7; Isaia 41:8*) tiin a sawi a. A rinna nun, a thuâwihna chuai ngai lo leh, Pathian thutiâmte a rinna chuan tûna kan Kristian nun awm dân tûr entîrna min pê a ni.

Hmalam hun ni eng emaw ti chhûnga i thiltihte leh thusawi tûr chungchângte ngaihtuah la. Eng tiang kawngtein nge i thiltih leh sawi tûr emawte chuan i rinna a târlang ngêi tih i chiân theih ang?

NINGÂNÎ

OCTOBER 4

Pathian Mi Thlante

A chhiahhlawh atâna Abrahama a koh khân, Pathianin khawvêl hnêna Amâ âiawhtu tûr Amâ tân A thlang a. Hê koh leh thlan nihna hi Pathian hmangaihna leh zahngaihna a ni. Pathianin Israelte a thlanna chhan pawh kha, Tlûkna avânga chhiatna leh inlungruâl lohna thlen hnûa mihring zawng zawngte dînhar leh an nih nâna A ruâhmanna atân a ni. Chanchin thianghlim pawh hi hê dînhar lehna thlentîr tûra Pathian thawh dân zirna a ni a; chû ruâhmannaah chuan Israel hnam nêna thuthlung kha a pawimawh lai tak chu a ni.

***Deuteronomi 7:6-11* sawi dânin, engati nge Pathianin Israelte kha ‘A mîte’ a tih? Engati nge A mîte atân Abrahama thlahte chu a thlan?**

Pathianin A mîte atâna Israelte a thlanna chhan ber chu hmangaihna a ni. Abrahama leh a thlahte chu thû a thlunpui a; chû chu A mîte hmanga Pathian hriatna chu vawn nun zêl a nih a, mihringte tlanna chu hlen a nih theih nân (*Sâm 67:2*) a ni. Chutichungin, a hmangaihna thiltih chungchuangin Pathianin Israelte a thlang a. “Hnam dang âia in tam avângin LALPAN in chungah a hmangaihna fûktîrin, a thlang che u a ni lova; hnam zawng zawnga hnam tlêm ber in ni asîn,” (*Deuteronomi 7:7*).

A mîte ni tûra Pathianin a thlan dân hi mihring ngaih dân nêna inang lo. Mihring chuan thiltihtheihna te, finna te leh mahni-inrintâwkna an neih behchhanin hruaitûte kan thlang a. Pathian erawh chuan mi chak leh thiltitheite hi a rawngbâwltuah a thlang lo va; mahnî chak lohna leh tlinlohna, eng mah nih lohzia inhriate a thlang a, chû chu tû mah a hmâa an chapo-uân vêl loh nân a ni (*I Korin 1:26-31*).

Chutih laiin, hamthatna an neihte hi en teh: “Pathianin A mi Israelte chu hnam ropui leh fakawm ni tura siam a duh a, thlarau lam malsawmna pawh a pe bik deuh a ni. Amâ ai-awhtute ni tlaka an nungchang an chher theih nan, an lakah thil tha eng mah kawmpui a nei lo.

“Pathian dân an zawm phawt chuan khawvêla hnam dangte hmâah hmuingilna mak tak siam Pathianin a duh a. An hnêna finna leh kawng tin rênga themthiamna pe theitu chu an zirtirtu a ni reng ang a, A dânte an zawmna azârah chawisân leh tihropui an ni baw ang. Tihâwih tak an nih phawt chuan hnam dangte tihrehawmtu hrîte lakah a vêng him ang a, finna tha tak pên mal a sawm zui zêl ang. Pathian ropuina te, a lalna te leh thiltihtheihna te chu an hmuingilnaah hmuhin a awm ang a, lal fâte leh lal puithiamhote an ni baw ang. Leia hnam ropui ber ni turin an tân thil tûl tinrêng Pathianin a pê a ni.”—*Kristâ Tehkhin Thûte*, pp. 245, 246.

Pathianin hmânlai Israelte ko va, thil a tihsak leh keini Seventh-day Adventist-te min ko va thil min tihsak tâkte kâra thil inzûl tak engte nge kan hmuh theih? I chhanna chu Sabbath ni-ah in pâwlahrawn keng ang che.

ZIRTÂWPNI

OCTOBER 5

Ngaihtuah tûr: Chhiar tûr: Ellen G. White, *Thlahtubulte leh Zâwlneite*, tih bû-a ‘Lei leh Vân Siamna’ pp. 21-29 leh ‘Abrahama Kohna’ pp. 106-113.

Atira Pathianin mihringte a siamna a thil tum chu chhûngkua a dinnaah (*Gen. 2:21-24*) leh Sabbath-ah hmuh theih a ni a. Sabbath kha Amah Isua ngêiin a sawi angin (*Marka 2L27, 28*) mihringte malsawmsak nâna din a ni a. Khawvêl pum huap a nihna pawh hi *Genesis*-a thil siam chungchânga, ni sarihna a serh hrannaah khân kan hmû a. Chû chu A mîte ni tura thuthlunga Israelte a koh chhuah hmâ daih, khawvêla sual a lo luh hmâa mi tawh a ni. Mî zawng zawngte hian lo serh vek chu ni se, Sabbath hi pumkhata min siamtu thiltitheih tak a ni ngêi ang. Pathian ruâhman dân chuan chawlhna nî a nih bâkah, Adama leh Evi thlahten Amah leh an mihring puite nên pawha inzawmna an neihna tûr nî a ni.

“Sabbath leh chhûngkua hi Eden-ah khân inang renga din niin, Pathian tum dân chuan then hran theih loh khawpa inzawm nghet an ni. Hemi nî hian ni dang zawng âiin Eden nun kha a chan leh theih a ni. Pathian remruat dân chuan chhûngkua chu hnathawk ho va, zir ho va, Pathian chibai bûk ho tûr leh intihhlîm ho zêl tûr an ni a. Pa ber chu chhûngkaw puithiam ni tûr leh, nû leh pa chu an fâte tâna zirtirtu leh thian tha tak ni tûr an ni baw. Mahse sual avângin mihring nun dân chu a lo danglam ta a, hei hian chhûngkaw inlungualna tûr a dâl nasa ta êm êm mai a ni. Kâr tluanin pa ber chuan a fâte hmêl chu a hmu ngai ta meuh lo va. Fâte kawmna hun leh zirtirna hun pawh a nei lo a ni ta ber mai e. Mahse Pathian hmangaihna chuan thawhrimnate hi tâwp chin neiin A siam a. Sabbath-ah hian A zahngaihna kut chu A dah a. A

Sabbath nî-ah ngei hian chhûngkaw tâna Amah leh A thilsiam hnaihna hun leh chhûngkaw inpâwl hona hun te A siam ta a ni.”— Ellen G. White, *Naupang Kaihhruaina*, 4th Edition (2013) pp. 494, 495.

SAWI HO TÛRTE:

- ❶ Engtin nge thilsiamna chungchâng *Genesis*-a Adama nâkruh atanga hmeichhia (Evi) siam a nihna khân, nupui leh pasal chu hmangaih taka inlaichîn tûr an nihzia eng nge a târlan? Chû chuan Bible pum puia Pathianin A mîte inkûngkaihpuî dân a zawn chu nûpâ inhmangaihna ngaihruatna hmanga a tih chhan chu eng nge ni ang?
- ❷ Babel Insâng chanchin khân, atîra mihringte tâna Pathian thil ruâhman chu chî leh ÷awng hmanga ÷hen darh a nih loh tho laiin, engtin nge tûnlaia chutiang zâwnga in÷hen darhna chu kan hriatthiam tâk ang? Kohhranah pawh hnam hrang leh ÷awng hrang tam tak kan awm chungin, engtin nge inpumkhatna leh inrem tlânna chu kan la neih theih cheu?
- ❸ Hmânlai Israelte koh an nihna leh keini Seventh-day Adventist-te koh kan nihna inzûlna ÷henkhat chu engte nge ni hlawm? Chû âia pawimawh zâwk, Kristaa chunglam kohna kan chan chung a kan rinawm tlat theih nân eng zirlaite nge kan zir chhuah theih ang?

KHÂIKHÂWMNA: Atîra Thilsiamnaa mihringte tâna Pathian thil ruâhman chu chhûngkua anga inrem leh inpumkhat tlâng taka nun a ni. Kan nû leh pa hmasâte thuâwih lohna khân Pathian thil ruâhman chu a tisukuk zo ta a. Chutichungin, Kristâ zârah chiah hmuh theih tûr dinthar lehna thutiam chu A vawn nun zêl theih nâna mîte dinnghet tûrin Pathianin Abrahamana a ko a ni.